

New  
Leitung  
den Sturm  
der Stadt  
Rhom  
betr.

II n  
6011 m







Gläubwirdige

Handschreibung des Sigmund

von Christoph Karl Ochsner

Am Hofe in Jena. Nach dem

Original in der Handschrift

des Hofes in Jena.

Im Druck von

Carl Ochsner

in Jena.









12

# Glaubwürdige

Neuzeitigung: den Sighaff-  
ten einzug Kayf. Adalstat

Kriegsvolckh in Italien. Auch den  
Sturm vnd eroberung der Stat  
Rhom / wie die sach auff  
Bayden tailen erganz  
gen ist; clärlich Bes  
treffundt.

bruff




1896/7: 250



Ed. Boehmer.

Handwritten text, likely bleed-through from the reverse side of the page. The text is mostly illegible due to fading and bleed-through.







Ach dem der Pabst sich widerumb  
ainen veindt des Kayfers erzaigt/hat  
er newe Federation vnd glübschafft  
mit den Franzosen/ Venedigern/vñ  
anderen Potentaten/schlossen vñnd  
angenomen. Nemlich das er hinsüan mit durch  
sein Legaten oder gesandten/sonder in aigner perz  
son/wider Kay. Maiestat sich legern well.

Erstlich sein die Kayserischen von Insubrien auf  
Florenz gezogen/vñnd in dem selben zug vil diffi  
cul et vñd geuärlichheit/auch abgang der profant  
erlitten/die in von iren widerwärtigen weit vñnd  
brait abgehindert vñd versperet gewest.

Nachdem sein Sy gen Torret verruckht/do selbst  
von den Senenfern/ irem zusagen nach geschütz/  
profant/vñd ander kriegs nottursst zu angriff der  
stat Florenz/etlich tag gewart. Es hat sich auch  
durch Justigation vñd anreizung des Pabst/ge  
gen den Florentinern zutrage/das dy Kayserische  
ir geschütz/kriegs munition/vñd annder nottursst  
zu Maylandt gelassen. Es ist auch in mitler zeit  
des Pabst Bundtschafftern vñd Confederato:ñ  
kriegsruclckh(welliches vor zwischen Rauennã vñ  
amndern stetten dem Pabst zugehörig/gelegen ist)  
auf Florenz mit strengen weg/die zubeschirmen/  
mit volckh/geschütz/gegenweer/vñnd profant ge  
muegsam versehen gewest/verruckht. Sy haben  
auch vermaint die Kayserischen wurden sich souil

A ij



zeit/die stat zustürmen/nit verwegen/noch vnder  
nemen/sonder abgeund profant halben von ire für  
nemen abgetriß werden. Wo aber die stat mit de  
sturm erobert/wurden die Kayserischen widerüb  
new krieg von des Babsts volckh (des er dann ain  
grosse anzal in Italien gehabt) annemen vnd er  
leiden müßten.

In dem haben die Kayserischen iren Rat vnd für  
nemen/mit dem sy gestrackt auf Florentz zu ziech  
en/genast gewesen sein/verkert. Namblich/genüg  
sam bei jnen erwegen vnd betracht/das der Babst  
sölllicher krieg als ein anfang vnd vrsprung ist/vnd  
darauß sich entslossen/so sy wider in den Italias  
nischen krieg annemen/verhofften den mit sensts  
müttiger Fridsamkeit zuuolenden/vnd den Cri  
stenlichen gemainen nutz/der mit souil langwiri  
gen kriegem zerspaltten gewest/widerumb in gütte  
respiration erthickhung vñ auffnehmung zübri  
ngen.

Darauff haben sy alle kriegs verhinderung impe  
dimenta castraria genant/verlassen/vñ gestrackt  
mit grosser eyll durch der Senenser gebiet/auff  
Rom gezogen/auch der merer hauffen zu Viterbil  
Le das/dz den Römerñ wissen gewest/ankömē.  
Nach de solchs den Römerñ/der zünachetē feindt  
halbē wissen wordē/sein sy mit grosser erschrockh  
licher forcht vmbgebē vñ verhest gewest/etlich an  
villen ortē/die sy für sicher geacht/ire Reichthūß ver  
sorgen/die andern haben sich/mit iren freundten



vnd mituervanten/was doch in ainem solchñ ges  
uärlichen fall zuthun wär/beratschlagen/habē sich  
auch all in die flucht vnd die Stat zuuerlassen Bes  
reit gemacht/das an zweiffel beschēñ/so d̄ Bapst  
sy nit aus grosser auffgelegter pen/damit thainer  
aus der Statt verruckhet/ noch anders wohin  
was flüchtiget/doch vast wider jr erstlichs fürnes  
men/enthalien.

Auf das hat der Bapst/den Ratt vnd gemain der  
Stat Rom zu im erfordert / sy mit ainer lanngen  
Redt cohortiert vnd ermant/damit sy jres namē  
auch jrer vorfordern/glori vnd ere ingedenckh sein  
wollen/für das vaterlandt vnd den Römischen  
Stüll züstreitten/die Stat zubeschützen/so lanng  
bis das der confederatorū/vnnd verbundtschafft  
tern̄ kriegsvolckh/so zu Florenz ains tails gelassn̄  
auch das and̄ kriegsvolckh so in Neapolis in namē  
des Bapst gelegen/züsamē thamb/dēnach möcht  
er leyden das die Kayserischen sich nur in eyll gen  
Rom verfügetn̄/die wolt er nit allain von d̄ Stat  
abtreibn̄/sonder sy mit abgang der profant gründt  
lich vertilgen. Vnd sich dermassen von den feyndt  
ten erledigen/die Stat von verderbung entschüt  
ten/Italien von auflendige nationen thünstreiches  
einzugs freyzumachen. Auff die redt sein die Rō  
mer aus inbrünstigung der glori vnnd eer enzint  
vnd bewegt worden/sich für das vatterlandt/für  
den Römischen Stül/vnd aus obligundter vnnd  
großlig erforsunder nottürstighait alles das jhe



ne so jnen müglich zuthun zügesagt / des sich der  
Babst hoch gegen jnen Bedancbt / vnnnd jnen ver-  
sprochen vnnnder jnen zubeleiben / auch mit aigner  
handt / so es die sach erfraisschet / für sy zustreiten.  
Ist auch / der zuuersicht gewest / die statmeür mit  
dem Römischen volckh / vnd fünffstausent khnech-  
ten / so er zwischen der statt gelegert / zubeschützen /  
mit denen worten hatt er das vacilliret vnnnd er-  
schroccken volckh widerumb confirmiert vnd Bes-  
herzigt.

Der Babst mit sambt den Cardinaln / Prelatn vñ  
seinem hoffgesindt / haben der feyndt zuthunfft in  
dem Palacio wöllen erwartien.

Am fünfften tag May / haben sy die Kaiserischen /  
biß auf die acht Wälisch meyl von d Stat Röm  
gelegert / vnnnd zü stundan durch vorbotten den  
Kat vnnnd gemain der stat Röm begrüßet / auch  
angelanngt / vnnnd mit höchsten vleyß die gebettñ /  
das sy sich mit dem Babst in thainerlai weg inmis-  
scierñ / verwüekhlñ noch einlassen wöllen / damit je  
sach / mit sambt des feindt vermischet noch gemain  
gemacht wurd / auch jren gluckhlichen sachen nit  
vnratsam wärē / wen sy sein allain wider dē Babst  
Rhömen / vnnnd wöllen gern mit den Rhömeren ( so  
es bey ju mag erhabt werden ) fründtschaft / fridt /  
halten vnd schliessen.

Auf das haben die Rhömer vnerschroccklich jnen  
ainzaigen vnnnd zuuersteen geben / sy für das vater



landt für den Babst/für den Römischen stuell zu  
streitten/vnd die Kayserische lassen ermanen/das  
sy sich der stat nit anraichig zumachen vndersteen/  
Defhalbē die Kayserischen vnuerträgt/denselbē  
abend bey der Stat erschinen/auch begirig gewest  
zū stundt den sturm anzunemen/wiewol sy nit ges  
schütz mit denen sy die Meüer zerbrechen hietten  
mügen/noch leytern zu dem sturm an die Meüer  
zu werffen gehabt.

Darauff ist fürgenomen vnd beschlossen wor  
den/den Sturm bis auff den anderñ tag/ zuerstre  
ckheit. Ist darauff die selbig nacht ain grosse an  
zal laitter gemacht worden.

## Wienach volgt der Sturm so von den Kayserischen zu eroberung der Stat Röm am sechsten tag May angenommen ist

Den Serten tag May zū morgens frwe/sein die  
Hispanier fryschgemütig / als die/ so zū dem stürs  
men geschickt sein an die Maur geweltiglich mit  
laittern die Stat mit dem Sturm züerobern / an  
gefallen/vnd die auff das schnellist ( als in müg  
lich) vberstigen.

In dem ist der Durchleüchtig Fürst vn Herzog  
von Burbin vber Kayserlicher Mayestat kriegs  
volckh Hauptman vnd General Stathalter in  
Italien/an den Sturm gegangen/da selbst mit ain



ner Rhugel getroffen vnnnd zwischen ainer halben  
stundt gebeycht vnd gestorben. Welliches fals die  
Kayserischen ser bewegt vnnnd ergrimbt (aus der  
sunderlichen lieb vnnnd naigung/so sy zu dem von  
Burbin getragen) vnnnd den Sturm geweltiger/  
angenomen vnnnd erzaigt. Vnnnd nach dem/ auff  
sechs stundt auf beiden seitten wider die Rhömer  
vnnnd die fünff tausent Rhnecht mit vil abgeundt  
geschütz/ gestürmt worden. Demnach sein die Kai  
serischen in die vorstat gefallen/ den feyndten das  
geschütz erobert vnnnd abgedrungen/ auch den me  
reren tayl der feyndt dy jr flucht in die stat Rhom  
gegebe/ erwürgt. Es hat auch der Babst aus dem  
palacio alle sach gesehen / Dar auff hat sich der  
Babst mit dreyzehen Cardinälen/villen Prelatē  
vnnnd vom Hof/ auch mit al ein seinem hofgesind/  
in dy Castellen. S. Angeli / mit verporge eingang  
der zwischen der Maur von dem Pallaci bis zu  
dem Castellen geet/ verschlaufft. Es biet sich auch  
liederlich zütragen das er von den Kayserischen  
Begriffen wär worden.

Es ist auch auf dem perg Ratican ain sonderlich  
spectacl beschehen / Nämlich das auf dem selben  
perg vier tausent Rhömer gehalten/ vnnnd von den  
Kayserischen der vber zwey hundert nit gewest/  
angegriffen vnnnd geschlagen worden/ haben sich  
auch die Kaiserischen des vorabgemütn Rhampf  
ain weil in der vorstat zu Rue vnnnd conquescatis  
q. legen wollen. Aber die Rhömer habn sich mit  
ler zeit



ler zeyt dy porten enmenthalb der Tiber / die dem  
Spittal / des heiligen geyst nächst gelegen ist / zu bes  
legern sy vnderstanden / welche die Kayserischen  
mit gefastem frestn / vnd weniger empfangner rüe  
widerumb angegriffen vnd flüchtig geschlagñ /  
vnd den fleckhen der Tiber erobert.

Weytter haben die Rhömer sich ernstlicher dye  
dreyen pruckhen von denen / von den Tyberischen  
fleckhe in die stat Rhom / der weg genommen wirdt  
die zu custodierñ / vnd den Kayserischen den züs  
gang zusperrern vnderwunden / haben aber in  
dem nichts sichhaftig aufrichtñ noch erlangen mü  
gen / auch dy Rhömer in allen iren befortlichen für  
nehmen ains tails erwurgt / ains tails in die flucht  
getribe. Es ist auch durch die sichhaftñ / den reind  
ten ( die weil sy von der gegenwer abgefallen ) ge  
nad bewisen worden.

Demnach in der zwey und zwainzigisten stundt  
gegenn abent seyn die Kayserischen in die Stat  
Rhöm gefallen / vnd die ganz statt ist dem raub  
offen vnd gegeben gewest / der dan so groß erfun  
den worden / das sich das Kaiserlich kriegsvolckh  
mit Holt / Sylber / Edl gestain / gulden stuckhen /  
vast bereicht / sunst ander gütter / die auch nit züner  
werffen gewest wären / fastidiert vnd verlassen.  
Ist auch solche grosse vberflussigheit der Statt  
Rhöm wenig fruchtbar gewest / vrsach / alles das  
was die Kaiserischen nit vnder jnen aufbeitt ha

B



Ben/wen jr Beitt ist allain von goldt/sylber/ edl ges  
stain/guldenstuckhen vnd seyden gewesen/ hat das  
ander kriegsvolckh so mit den Columnesern/etlich  
tag darnach kthomen ist/vnder sich aufgetailt/vñ  
verbeytt.

Nach dem haben die Kaiserischen/den Babst mit  
seinen Cardinalen/Prelaten/vnnd hoffgesyndt/so  
in der Engelpurckh gelegen/belegert/die sorglich  
lich verhuitt vnnd embsigen Sturm mit in / bis  
auf den vierzehende tag gedachts Monats May  
versürt. Denach hat sich der Babst mit den Car  
dinalen/den Kayserischen/in der gestalt zugesagt  
vnnd ergeben.

Erstlich das sein heyligkheit sey geniessen der an  
gebornen sensftmütigkheit Kay. Ma. mit der sein  
Ma. von got reichlich begabt ist / vn dz er sich mit  
samt dreyzehen Cardinalen sey gebē in die hendt  
der Kaiserischen/vñ werde hinwegk geschickht  
in Naplas/vñ denach weiter wo in dy Ka. Ma.  
verordnen würde.

Zum andern das sein heiligkheit von stüdan par  
erleg / hundert tausent Ducaten / die Teütschen  
knecht damit abzubefoldn. Mer das er in zwain  
zig tagen den nägsten darnach widerumb erleg  
funffzig tausent Ducaten / zu Bezallung der Hispa  
nier. Auch das er die zwaymalhüder tausent dur  
caten/so im weiter zu vnderhaltung des kriegs



volckhs/zugeben auffgelegt ist/ auf dreyen kirchen  
auff das eest einzubringen/vnd zu vberantwortn  
verordnen.

Mer hat er den verordentn Kay. Ma. die Engel  
purckh/mit allen kriegs Municion/ geschütz/ waf  
fen/profant / so darjn gewest/mit sambt der alten  
stat/porten/presidien/territori/ auch mit widerge  
bung der dreyer stett Parman/Placenz/vnd Mu  
tinan/vberantwort vnd eingeben.

Es ist auch dem Cardinal de Columna widerge  
ben vnd restituirt wordē/Capeln/sein vorige ämb  
ter/dignitet/auch sein patrimonii/ vnd erbgüt des  
er beraubt gewest. Dergleichen sein alle güter den  
Columnesern so von inē genomen/widerumb res  
tituiert/vnnd eingewanturt worden.

Es sol auch sein heyligkheit Kay. Ma. kriegs  
volckh mit sambt den Columnesern von al  
len penen vnnd censuren / darein sy  
wider sein heyligkheit/auch den  
Rhömischen Stüll gefallen  
sein. Absoluieren/vnnd  
entmüssigen.

Actum Rhom:re.  
den sechsten tag May.  
Anno domini. M. D. XXvij.



Faint, illegible text at the top of the page, possibly a header or title.

Second block of faint, illegible text.

Third block of faint, illegible text.

Fourth block of faint, illegible text.

Fifth block of faint, illegible text.





170585

170585










Tn 6011 m

X 2206895









# Glaubwürdige

Neuzeitung: den Sighaff-  
ten einzug Kayf. Adiestat  
Kriegsvolckh in Italien. Auch den  
Sturm vnd eroberung der Stat  
Rhom / wie die sach auff  
Bayden tailen erganz  
gen ist; clärlich bes  
treffundt.

*bruff*



1846/7: 250

